

武寧文牘



叙

武

寧

文

牘

夫天之生才未嘗靳也唯其生也不得於時不得於地則生如不生才如不才而鳳兮之嘆麟也之悲有時而作耳是以淮陰歸漢而始雄景畧適秦而後顯子儀黜而回紇猖司馬罷而西夏慶蓋相與之際相需而後濟相得而益彰而欲靳其用者乃執桎梏設坎阱以伏伺於其旁是以孔丘有苟有用我之鳴孟軻有舍我其誰之訟殆皆不得其用而有慨乎於其心也矣不佞因於集武寧文牘而不禁俯仰陳迹徘徊當世事攫心於天之於才也不靳其生而人之於才也每靳其用歷古今而如出一轍也豈真天之未欲平治天下耶抑於公之志行尙有所不足而故爲勞之苦之將以大其任耶夫鳳之德麟之瑞不以其文章而重而公往者於護國之役多未竟之功不彰之畧賴姑射君有武寧文牘之集而公之精神乃照耀於當世不佞今復從公於護法之役親見公之宏猷徒見於文而不得施於用忽然憤然而踵武姑射君之迹亦欲藉區區文牘以存公之眞何先後之相類也是則斯文之集不獨可以覘公亦可以觀世變矣溯公自奮迹以來燭袁氏之奸於未萌覆洪憲之業於已就飄泊絕域流離累載而不餒功

武

寧

文

牘

成事遂身退而不居此其識其才與夫堅苦卓越之趣磊落高渺之情有非末文所得而罄者然由是以覘公固已聳動瀛寰鐫人心脾矣往者姑射君之所集斷自丙辰自段氏專橫國脉再斬公蹶然攘臂而南復以一身寄天下之重而天下之人亦莫不以澄清之大任交屬望於公以爲公一出則么麼不足與蒼生可無患知公信公如此其深也嗚呼豈惟天下之人之心如是哉意者公之自負亦宜其如是也然而竟不能致者天下惑矣唯常侍公者乃知非公之力不能致而公之心志良苦此則續集武寧文牘之舉之不容已也丁巳迄今公之勛勞之卓犖可紀者已不勝其紀而時之論者第舉兩次鋤龍以相稱殆以是役有大造於粵故易見而難忘歟又往往致惜公之牽制於此役使援贛之舉不得竟其功而義師之鋒刃遂未得加搃於逆黨之胸頸謂爲非公之不幸而爲天下人之不幸嗚呼寧惟是哉寧惟是哉試一閱公之文牘則知公之抱負籌謀有足澄清而有餘惜乎不得於時不得於地而不得施於用而義師之鋒刃未得加搃於逆黨之胸頸其坐失之機不可以屈指數而不得謂之人謀之不臧天心之不厭亂也斯則不佞續集武寧文牘之旨也所以存公之真兼以示後之留心當世

者若徒翫其藻翰擬於詞林殆猶稱麟鳳以文章量天海於管蠡亦自宅於陋之甚矣
八年八月朔日湖口楊賡笙謹序

武 寧 文 牘

目錄

序

政 畧

軍 畧

征 閩

討 龍

援 贛

交 際

書 牘

補 遺

政畧類

覆唐會澤電 六年八月二十三日

武

讀真電大義凜然萬民咸慰茲陳者（一）川省紛糾得公仗義興師解決自在目前從此要着在乎善後煊鈞愚見以須能確實掌握川局第二須根本融洽感情欲達到此着似以熊錦帆督川爲宜而設三省總機關於叙渝間控制一切庶能收如響斯應已效（二）西南樞紐在公與幹老今國事方艱彼此聯絡方足以固局勢而奠邦基除已派員面陳外特貢區區

寧

致長江三督並西南各要人電 十一月十三日

文

牘

自段氏竊政殃民誤國罪惡昭然猶以爲同係國民當有天良發現改過自新之一日不料忍心害理愈演愈奇前既假對德宣戰以誣人茲更藉軍械借款以自滅舉亡清不敢爲項城不忍爲者而悍然爲之段氏之無天良竟至於此與剛毅所云寧舉此河山以贈外人毋還漢族同出一喙段非滿人乃欲竟亡清未竟之志荒謬離奇殊難索解使段氏如果有雄才足以征服全國捍禦外侮發揚國威則爲段氏奴隸猶屬同姓

武

第今日借外力以奴隸國人在段氏亦不能脫奴隸圈彼卽甘爲奴隸而吾民不能也竊權賣國罪在必誅共和國家焉能容此對外固無承認借款之理對內則有迅速除奸之必要聞諸公仗義執言曷深欽仰朝鮮台灣生涯至慘時機危迫亟待挽回尙望尅日出師與西南共張撻伐掃茲妖孽協定國是民國前途毋任利賴馳驅戎馬謹布區區

寧

致西南各省電 十一月十七日

文

牘

逆將某某通電計達可笑亦殊可恨若輩稱兵來寇意將征服西南供彼鞭策其腦筋中焉有國家辛亥改革六載於茲使若輩稍具天良粗明大義爲道義之競爭求全國之發達乘歐戰紛擾協謀進步則今日之國勢當何如乃恆倒行逆施助桀爲虐致陷國本於漂搖演成不易整理之局觸目感懷言之心痛所幸西南義師智勇北方不乏明人正氣已張逆軍大挫惟姑息適以養奸優容必至誤事此番段氏叛亂實丙辰寬縱之過曩事失策今可爲鑑諸公閱達安邦定國知有奇謀願迅掃蕩川湘逆軍討伐閩皖叛首爲法律正當之解決保障共和之大計一勞永逸今正其時翹睇天空大

放曙光也除到梧再密電奉商外特陳

致程頌雲電 十一月二十一日

武
迭聽凱音無任欣祝長沙克復岳州亦已在指顧間聯軍長驅東下可以預賀湘中軍民兩政亟待賢者主之公以雄才尤負時望兩番提兵建國備極賢勞鉅任之肩非公莫屬但粵桂唇齒幹老主持全局譚督指揮聯軍挽茲狂瀾實兩公之力居多爲今之計湘軍宜由公等合推譚督主持請願於幹老此老重義顧名所志者大昨在梧曾談湘事渠極不欲桂人督湘但公等似宜如是處置也鈞依幹老計劃本日返粵聯合海陸軍進攻閩浙並聞

文
致唐會澤電 十一月二十二日

牘
效電爲粵局解紛爲大局造福誦者感動鈞到梧詳察一切現在大勢將來國事非演桂融和一氣公與幹老切實提携肇劃殊難造國家於完滿之域亦惟公與幹老有此魄力能造國於完滿之域也鈞本日返粵依幹老計劃進攻閩浙餘續陳

致西南各要人電 十一月二十三日

武

寧

文

牘

戰局發展國家之幸惟既行最後之解決自應求永久之安全謹陳鄙見以供參攷（甲）「關於戰事」（一）桂湘粵與滇黔兩聯軍迅速掃蕩在湘在川逆軍移重兵於岳州與夔萬鞏固湘川爲誅討逆軍乘勝長驅東下集重兵於荊襄迤東南地區對安徽作戰聞王子春有宣布自主之意則同仇敵愾更又希其協同若其意在防阻西南發展則前者尙肯假道逆軍以寇西南茲詎不容義軍假道以討寇宜詳察其意所在臨時果斷處置我軍縱不必佔領湖北全部然萬不能不以重兵移駐湖北中區砥柱中流以資保障（二）駐粵滇軍并桂粵軍一部協同海軍合力攻閩進取浙江丙辰舉義因袁賊斃袁之爪牙猶存致演此番政變今段雖倒而附段之叛督逆軍務宜掃除淨盡也（三）秦晉已大舉兵北伐若能隨戰事發展由滇黔川遣師駐長安則更鞏固矣（乙）「關於政治」滿清退位袁賊憑藉武力坐收漁利陰謀布置中央與地方政權遂成偏倚癸丑失敗益爲若輩所侵佔而全國幾有墜一萬丈深淵之厄幸而力絀莫及西南我西南主帥老謀有素見義勇爲兩番興師致討故得日月重光但袁賊得肆其毒乃辛亥謙讓之由此番政變實丙辰寬縱之過若繼段者仍類段則國家終無發達

武

寧

文

牘

之期故鄙意以爲總統內閣問題雖應由法律解決然無妨以戰勝之威一求政權移轉也（一）回復黃陂職權之自由如黃陂正式解職經國會許可華甫可依法繼任但副總統出缺應由西南領袖充任（二）內閣未經國會通過以前署理總理之任命應先得西南各省一致之同意（丙）「關於法律」法律所以定邦本而製法者在國會我國自有國會以還集英俊於一堂才華道德非不足以定良謨建大業乃因南北勢力失其平均恒爲暴力所包裹未克自由立法展其所長而野心家軍人派從而蹂躪之非迫脅選舉總統即迫脅通過閣員政爭既逾恒軌法律遂難拘束雖議員多明大義不爲威屈利誘者亦大有人而國會精神上不免失其效力矣爲鞏固立法機關計（一）國會地點宜在南方尤以廣州武昌爲適宜（二）國會所在地點應由滇黔桂粵派遣陸軍兩師駐紮擁護（三）憲法省制未制定第二屆大總統副總統未選出以前國會更不宜選移地點（四）宜由西南諸領袖聯銜通電敦請議員來粵正式開會（丁）「關於海軍」海軍舉足輕重得其贊助者勝失其贊助者敗迭番改革已有明徵爲團結海軍鞏固西南保障大局計（一）國會正式開議後勿論何人出組內閣海軍

武

寧

文

牘

總長應推程玉翁担任海軍總司令應推林悅翁担任（二）海軍總司令部應設於廣州福州（三）在法律未生充分效力政治未就軌道以前海軍全軍應永予南方之助協謀國利民福（戊）「關於西南」清亡袁繼袁斃段承惡流澎湃如何危險然猶有今日者以有西南在耳西南之造福於民國如此我西南諸省應如何益求精神上具體的團結澄清政治奠定中原及將來應取如何之位置有宜注意者謹就鄙見所及（一）軍事政治法律諸端能如上所述完滿解決則不必變更統治方法及區域（二）如前述各條不能完滿解決時應請黃陂南來國會開議組織政府統治全國有違抗者討伐之（三）南北比較文野懸殊如一二項有窒碍時則當毅然決然在南方設立中華民國政府統治西南及贊成西南之省至黃河以北諸省如不能遵共和軌道不受文明指導亦准其另設統治區用行政由彼自主要之此番改革以最大之決心求最大之幸福與民更始原可預期况賊勢既已披靡作僞者聞而膽慄正氣所至金石爲開惟日來外間文電漸主調和是否誠意自新抑故爲緩兵之計似可置諸不理或相與周旋從容應付總宜迅求事實上之進步從長討論切實磋商務納全國於軌

道之中造成回天之事業武人談政知多未當謹陳管見唯諸公圖之

覆唐會澤電 十一月二十四日

武
元電敬悉公致中山冬電據云均已奉覆聯名致電日本當道并已由彼處拍發大局愈入佳境再做工夫則完滿結果可成也

致長沙軍政各界電 十一月二十六日

寧
疊見湘中來電論湘事善後意見不一竊憶組菴離湘傳逆入寇湘局危險何如得有今日者非幹老聯帥及頌雲諸公之力伊誰之賜掃盪匪逆澄清政治尙待努力竊願和衷以濟之湘中態度何若影響必及於全局用貢區區知不以爲瀆也

致唐會澤劉興義電 十二月十三日

牘
大局進步一日千里一簣之功不圖可惜然欲收完滿效果必先與北方成對峙之形勢力謀精神團結一致進行并速籌餉械補充軍實統籌計畫實爲必要紛擾半載迄無成謀亦乏建議不免缺憾粵中意見尙未一致完全辦法仍待磋商討論再四擬先從外交一層着手公推伍博士秩庸爲外交總代表將由莫督軍程總長吳王兩議長

通電建議鈞亦用代表名義附名如何之處仍請核奪餘容續陳

致唐會澤劉興義電 十二月十七日

武

本早銑電發後復與各方交換意見差得比較的完滿辦法無畸重畸輕及特別顧慮之處莫程兩電并莫督擬推軍事總代表電卽所商決者擬請贊成通電激勵以促進行如何乞酌餘續陳

寧

致岑西林電 十二月二十日

文

辛亥以還凡四改革或驅除異族或恢復共和造福於國家固無量然民生因此彫敝亦甚西南本素愛和平之心而爲興師護法之舉大義所在敢避其難兄弟鬩牆詎爲所願此次各省推公爲議和總代表亦卽表示誠意之一而北方居心如何弗計也我公碩德雄才全國系望迭番護法皆具苦心知必有偉畫以慰國人也

贛

致岑西林電 十二月二十一日

褚君慧僧到粵益悉蓋籌並蘇督調處苦心至佩擬卽商海陸聯合軍暫停進行以副台囑但望旬日內有確實辦法足以慰國人也伯蘭先生處並請轉知爲荷詳情續聞

致岑西林電 七年一月十二日

武 佳電已轉滇黔川北方糾紛弗論內容若何究予南方澄清政治拔出地獄之好機會
北方病根太深挽掇不易姑先自掇國人厭戰自是恆理惟南方將帥有決戰之心斯
可收戰勝之效現西南推公爲議和總代表皆出誠意爲收拾人心計宜由公代表西
南通電表示一種希望和平之意第講和條件須俟北方果有誠心再參酌西南意見
次第提出又恢復舊國會應定爲先決問題至表面與裏面文章似宜分別斟酌也特
寧 電奉復謹供參考

致西南各要人電 一月十七日

文 迭聞諸公譏論愛國家而兼顧地方重團體而輕視個人同志相助惟義是從曷勝欽
仰現在叛逆披靡義師雲起大局固極可爲只待始終做去烈鈞現赴前敵相距漸遠
扶輪國手惟望羣公有責匹夫勉盡天職至滇黔川全權代表除貴州全權代表劉君
燧昌已到粵當與接洽外滇川兩省並望速派代表赴粵共策進行鈞非敢卸責道遠
牘 實難兼顧耳

致滇黔川各要人電 一月二十四日

俄德和議着着進步遠東形勢將有重大變動日人有聯俄德以自利之傾向中署且英日二國駐華公使一袒馮一袒段暗鬥甚烈亦與遠東形勢變動有密切關係我國

武

外交形勢慮捲入外交漩渦之中然俄國經大革命之後極力標榜世界各民族自決前途之義英法各國爲抵抗德人戰後并吞之計亦極口附和之故前此各國間所屬

寧

行之侵畧政策顯然將有若干時之停頓吾國之勢或竟藉以保全而西南西北之邊禍當然獲一時之寬裕所慮者唯某國在東北侵進之勢殊待籌禦及某國之東方政

文

策能否受俄德和議中所標榜之非侵畧主義之影響而有所改變否耳馮段諸人明知全國之危危在東北猶嫉視西南不知悔悟且厚媚外人引虎自殘南方賢者爲自

牘

救救國計對於此種時勢實不能不有特別之覺悟與另立基礎別圖救國之決心此事固全恃西南團體有完全之結合與將來之發展而目前對於南北大局能立堂堂正正之政府以樹全國中心吸收外人視線之傾向亦當宜奮進一步西握川鄂東奪閩浙方可放手也

致西南各省電 一月二十九日

武

寧

文

牘

馮氏南下決爲北派暗鬪結果親征之說特爲脫身之計段系頑悍志在復權益以徐世昌左右操縱陰爲主動又含復辟意味外交則某國利誘南北分裂雙方援助乘機先收北方保護之權段之心腹徐樹錚交系首領曹汝霖皆完全爲彼收買南方則愛國空氣已盛且有英法勢力所牽利我獨立自保有此種種關係故四圍形勢互相壓迫馮本柔滑安能敵此迫而出走勢所必然惟國局轉變至此南方聯合萬不可再事游移另立政府正宜積極進行深望諸公從速密商准備務須由護法舉義諸公內相讓步自爲主體馮氏有何舉動只可相機聯合不能再相推重愚見所及敬候明教

致滇黔川各要人電 二月七日

馮氏出京倉猝來去京滬密電謂馮本計畫到甯因途中受曹張冷遇爲倪氏強阻折回宣戰尙非本意云云觀李純卅一調停電及張敬堯致李電可以想見馮段齟齬馮派懼段派之得勢甚於慮西南之發展段派之懼馮派亦然現在如此將來之糾紛尙多岳州克復攻取武漢須在收復宜昌鞏固荊襄之後再待機會現護法各省所宜急